

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.


OPINION



Awe den historia: 14 di maart

Albert Einstein a nace (1879)

Dia 14 di maart 1879, Albert Einstein a nace, yiu di un ingeniero electrico Hudiu na Ulm, Alemania. E teorinan di Einstein di relatividad special y general drasticamente a altera e comprension humano di e universo, y su trabao den teoria di partícula y energia a yuda haci mecanica quantum posible, y finalmente, e bom atomico.



Despues di un infancia na Alemania y Italia, Einstein a studia fisica y matematica na e Academia Politecnico Federal na Zurich, Suiza. El a bira ciudadano Suiso na 1905 y a ricibi un PhD for di Universidad di Zurich. E aña ey, cual historiadornan di carera di Einstein ta yama su annus mirabilis – e “aña milagroso” – el a publica cinco documento teorico cu a haci un impacto profundo riba e desarrollo di fisica moderno.

Nacionnan Uni ta recaptura Seoul pa di dos biaha (1951) Operacion Ripper, tambe conoci como e di Cuatro Bataya di Seoul, tabata un operacion militar di Nacionnan Uni, concebi pa e di Ocho Ehército Mericano, general Matthew Ridgway, durante e Guerra di Corea. E operacion tabata destina pa destrui lo mas posible di e Ehército

Popular Boluntario (PVA) Chines y e Ehército Popular Coreano (KPA) rond di Seoul y e barionan di Hogch'on y Chuncheon. E operacion tambe tabata destina pa trece turpanan di ONU na e di 38 paralel.


Operacion Ripper tabata precedi pa e bombardeo mas grandi di e Guerra di Corea. Memey, e di 25 division di infanteria Mericano rapidamente a crusa e riu Han a establece un brug.

Durante e anochi di 14 pa 15 di maart, elementonan di Prome Division di Infanteria di Republica di Corea y e Di Tres Division di Infanteria Mericano a libera Seoul, mar-

cando e di cuatro y ultimo biaha cu e capital a cambia di mando desde juni 1950.

Karl Marx ta fayece cu 64 aña di edad (1883)

Karl Marx tabata un filosofo, teorico politico, economista, periodista y socialista revolucionario Aleman. E ta miho conoci pa e pamphlet “E Manifesto Comunista”, skirbi cu Friederich Engels, y su buki Das Kapital, un critica di e economia politico clasico cu ta usa su teoria di materialismo historico den un analisis di capitalismo, den culminacion di e obra di su bida. E ideanan di Marx y nan desarrollo subsecuente, colectivamente conoci como



Marxismo, tin un influencia duradero riba e psyche mundial.

Marx a fayece riba e atardi di 14 di maart, 1883, di un combinacion di bronkitis y

pleurisy, empeora pa un abscess den su pulmon. A der'e e siguiente diasabra, na Highgate Cemetery, den e graf prepara pa su esposa, kende a fayece diesocho luna prome.

Interes di politiconan no ta pa sirbi pueblo?

Na mesa di Redaccion di Bon Dia Aruba a yega opinion di un ciudadano preocupa pa e caso di ex-minister Guillfred Besaril. En particular, un comentario cu Besaril a haci den corte, a produci un reaccion negativo di asombro y decepcion.

Den Corte, medionan local a reporta cu Besaril a puntra pakico ta persigui su persona, mientras cu otro nan cu a haci mescos no a haya e mesun persecucion legal.

E manera di pensa aki ta musta e nivel di un persona. E hecho cu otro nan a comete un crimen, no kiermen abo mester bay haci mescos, y no ta absolve bo tampoco di e consecucionan di bo actonan.

Pero asina ta e manera di pensa di un persona cu haci corrupcion: un mente corrupto. Con e ex-minister por a sinti su mes asina comodo pa comete su actonan corrupto, por wordo splica door di su declaracion den Corte: tur otro tambe ta hacie. Kico nos mester pensa e ora di su coleganan politico? Pues cu tur otro tambe ta hacie? En bes di muestra di ta arepentí di su crimen, di a horta nos pueblo di Aruba, e ex-minister ta bay keha cu nan a gara e en bes di tur e otro corruptonan. E caso di Besaril ta bay riba e hecho cu el a usa credit card di Aruba Huis pa su beneficio personal, y esaki ta un ehempel perfecto di e problema cu politiconan corrupto: nan kier usa placa di pueblo pa nan beneficio personal.

E ora nos mester conclui cu nan ta traha pa nan interes propio y no pa bienestar di pueblo. Asina por mira con nan ta estafa nos pueblo.

Y mientras por wel di ta cu otro nan a hacie y no a wordo gara, trato y castigo cu Besaril ricibi ta bira e precedente legal pa tur esnan cu por bin su tras. Es decir, tur caso cu bin despues, lo bisa mescos Besaril ta bisando: pakico ami mester haya castigo si e no a haya? Pues ta di suma importancia pa e caso aki bira un ehempel pa tur otro cu, aworaki mes, por ta cometiendo actonan corrupto. Pero mas leu cu tur caso den corte, pueblo mester cuminsa bira consciente di e poder y confiansa cu un voto ta nifica. Na e gobierno en cues-



tion, nos ta entrega nos pais, nos futuro, y tur nos placa di belasting cada luna pa nan maneha. Nos por confia e hendenan aki pa usa nos placa pa hiba nos pais dilanti? Of nos por spera cu nan lo horta nos placa, manera Besaril a insinua cu otro nan tambe ta haci? Y ken e otro nan ey lo ta, si nos tene cuenta cu Be-

saril ta indicando cu e otro nan NO a wordo persigui?

Aruba, nos mester bira consciente y wak bon na momento di sconde politico pa tuma control di nos finanzas, nos pais y nos futuro. Y ora un persona bisa bo ken nan ta, kere nan.

Autor

anonimo.